

## Novi projekti Dječijeg i omladinskog programa FTV



Boris Šiber, urednik Dječijeg i omladinskog programa FTV

## Bogatiji program za edukaciju mladih

Počela realizacija debatne emisije "Navedi dobar razlog" ●  
Pala prva klapa nedjeljnog zabavnika pod imenom "ZIZ"

**R**edakcija dječijeg i omladinskog programa Federalne televizije već duže vrijeme se posvetio realizaciji nekoliko zanimljivih projekata, kojima namjerava obogatiti pomenuti segment programa.

### Debate

Tako su oni na prijedlog i u saradnji sa Sanjom Vlasiavljević iz "Soros debata centra", te "Fundacijom za kreativni razvoj", pokrenuli debatnu emisiju *Navedi dobar razlog*, koja se u programu ove tv-kuće prikazuje svakih 14 dana, subotom u terminu od 11 sati.

Kako afirmacijska, tako i negacijska ekipa, prema riječima urednika dječijeg i omladinskog programa FTV **Borisa Šibera**, sastavljene su od omladine iz cijele Bosne i Hercegovine, a i publika aktivno učestvuje u debatama. Novitet je i DJ, koji pored muzike za dobro raspoloženje ima i zadatak da u saradnji sa moderatorom debata **Jan Zlatanom Kulenovićem** (OIA), pušta specifične

### UKW DOGAĐAJ

## Na festivalu u Mariboru

Dokumentarni film *Kudak za sporni trenutak*, koji je napravila ekipa magazina UKW i koji je prikazan na posljednjem Sarajevo Film Festivalu, biće prikazan i na Međunarodnom festivalu dokumentarnih filmova *Dokma* koji će se od 2. do 6. novembra održati u Mariboru.

S obzirom da je festivalski žiri od 150 ponuđenih filmova iz različitih zemalja, za prikazivanje izdvojio samo 40, to je veliki uspjeh Federalne TV i njene produkcije. Naši će gledaoci ovaj film premijerno moći vidjeti već 15-tog novembra u okviru magazina *UKW događaj*.

zvukove, kao reakciju na loš ili odličan komentar ili kao upozorenje da je vrijeme za komentar isteklo.

"Zahvaljujući razumijevanju odgovornih sa sarajevske Akademije liko-

vnih umjetnosti, emisije se snimaju u prostoru njihovog amfiteatra. Režiju potpisuje **Antonela Pehar - Šimunović**, a uređuje **Lejla Imamović**", kazao je Šiber.

Prije par dana, ističe Šiber, pala je i prva klapa nedjeljnog zabavnika pod imenom "ZIZ" (zabava, igra, znanje), urednice **Klare Pelje**. Emisija je namijenjena najmlađim gledaocima i obilovat će interesantnim, zabavnim i edukativnim priložima.

### "Zyon"

"Upravo se završava montaža i nove omladinske emisije *Zyon*. Scenario za emisiju potpisuju **Adnana Martinović** i **Saša Kaljanac**, koji je i uređuju, a Saša i režira. Emisija će obilovati informacijama interesantnim za omladinu, a realizuje se u saradnji sa **Urban Bugom** i triom "ZBL" (Zbogom Bruce Lee), momcima sa studentskog radija "IFM". Tu su i poznati likovi iz serijala *Kaznena ekspedicija*. Emisiju stvaraju mladi za mlade", naglasio je Šiber.

AJ, KREČO